

Ebazpena, 2020ko abenduaren 22koa, Unibasqeko zuzendariarena, Euskal Herriko Unibertsitateko lan-kontratu iraunkorra duten irakasleen ikerketa-jarduera ebaluatzeko eskabideak aurkezteko prozedura eta epea ezartzen dituen, zeina Unibasq-Euskal Unibertsitate Sistemaren Kalitate Agentziaren Gobernu Kontseiluaren 2020ko urriaren 26ko erabakiaren bidez onartua.

Unibertsitateei buruzko 2001eko abenduaren 21eko 6/2001 Lege Organikoak 55. artikuluan ezartzen du autonomia-erkidegoek arautuko dutela unibertsitate publikoek kontratatzen dituzten irakasleen eta ikertzaileen ordainsari-araubidea, eta ordainsari osagarriak ezarri ahal izango dituztela banakako merezimenduengatik, hain zuzen ere eginkizun hauengatik: irakaskuntza-jarduera eta -arduraldia, irakaskuntzarako prestakuntza, ikerketa, garapen teknologikoa, ezagutzaren transferentzia eta kudeaketa.

Euskal Unibertsitate Sistemari buruzko 2004ko otsailaren 25eko 3/2004 Legeak 34. artikuluan ezartzen du Eusko Jaurlaritzak unibertsitateko irakasleen kidegoei orokorrean dagozkien antzeko osagarriak ezar ditzakeela, bai zenbatekoari bai baldintzei dagokienez, Lege honen 14.1 artikuluan agertzen diren kategorietako kontratu iraunkorra duten irakasle finkoentzat eta bertako ikertzaileentzat.

UPV/EHUko irakasleen eta ikertzaileen ordainsariei buruzko 2008ko martxoaren 4ko 41/2008 Dekretuak 3. artikuluan ezartzen ditu lan-kontratupeko irakasleen eta ikertzaileen ordainsariak, eta horien artean daude 8. artikuluan zehazten dituen ikerketa-merezimenduengatik ordainsari osagarriak.

Aipatutako 8. artikuluko horrek, hirugarren atalean, hau dio: «Unibasqek ikerketa-jarduera ebaluatuko du, Ikerkuntza- jardueraren Ebaluazio Batzorde Nazionalarekin, (CNEAI-rekin), batera. Batzorde hau irakasle eta ikertzaile funtzionarioen ebaluazioak egiteaz arduratzen da».

Honegatik guztiagatik, Agentziaren Gobernu Kontseiluak honako hau

EBAZTEN DU:

Bakarra.- EHUko lan kontratu iraunkorra duten irakasleek eta ikertzaileek egindako ikerketa-jardueraren ebaluaziorako deialdia onartzea eta argitara ematea, halaber, lan-kontratuko bitarteko irakasleek egindakoa ere, plaza iraunkorren batean aldi baterako lanean badaude eta lehiaketa prozedurara atera baino lehen. Horretarako, aintzat hartuko dira honako oinarri hauek:

OINARRIAK

Lehenengoa.– Xedea.

1. Deialdi honen xedea lan-kontratu iraunkorra duten Universidad del Pais Vasco/Euskal Herriko Unibertsitateko irakasle eta ikertzaileen ikerketa-jarduera ebaluatzea da, honako kategoria hauetan: Irakasle Oso, Irakasle Agregatu, Irakasle Lankide iraunkor, kontratu iraunkorra duten Doktore Ikertzaile eta kontratu iraunkorra duten Ikerketa Irakasleek. Halaber, lan-kontratuko bitarteko irakasleena ere, plaza iraunkorren batean aldi baterako lanean badaude eta lehiaketa prozedurara atera baino lehen.

UPV/EHUrekin 2020ko abenduaren 31a baino lehen adierazitako kategorien batean kontratua daukaten pertsonak soilik izango dute ebaluazio hau eskatzeko eskubidea.

Bigarrena.- Ebaluazio eskaera egiteko bete behar diren baldintzak.

Aipatutako irakasle edo ikertzaileak jarraian aipatzen diren egoeretako batean aurkitu beharko dira:

a) Azken tarte positiboki ebaluatua izatea, baina tarte hau 2014ko abenduaren 31an edo aurreko urteetan balioa galdu izana.

b) Aurretik inoiz aurkeztu ez izana eta 2020ko abenduaren 31an ebaluagarri diren gutxienezko 6 urteak izatea.

c) Azken ebaluazio tarte arrunta onartu ez zaienei 2017ko abenduaren 31an edo aurreko deialdietan eskatu bada. Egoera honetan aurkitzen diren eskatzaileek 6 urteko ebaluazio tarte berri bat egin ahal izango dute aurkeztutako, eta negatiboki ebaluatutako, azken tartearen urte batzuekin eta, gutxienez, tarte horren geroko 3 urterekin. Batera bi tarte edo gehiago aurkeztuz gero eta aurkako ebaluazioa jasoz gero, seiurtekoa eskatzeko tarte berria bakarrik azken ikerketa tartearen urteekin egin daiteke.

Seme-alaba bat edo batzuk edo haren kargura dagoen senide bat zaintzeko eszedentzian dauden eskatzaileek seiurtekoak ebaluatzeko eskabidean sartu ahal izango dituzte eszedentzia-egoera administratibo horretan egon diren urteak – baita urte horietan argitaratutako ekarpenak ere–.

Emakumeen eta gizonen arteko berdintasun eta aukera-berdintasunaren ekitatea eraginkorra lortzeko estrategia orokor baten barruan, jarduera zientifikoa eta ikertzailea ebaluatzeko ikerketa-tarteak zenbatzeari dagokionez, hala nahi duten pertsoniek urtebete luzatu ahal izango dute indarrean dagoen azken seiurtekoa, izan duten baimen edo eszedentzia bakoitzeko.

Baimen edo administrazio-egoera horiek 2015eko urtarrilaren 1etik 2020ko abenduaren 31ra bitartean gertatu beharko dute. Seiurtekoaren luzapena bizirik dagoen azken seiurtekoari aplikatuko zaio.

Hirugarrena.- Eskaera aurkezteko epea.

1. Ikerketa-jardueraren ebaluazioa egiteko eskaerak aurkezteko epea 2021ko urtarrilaren 11etik urtarrilaren 31era artekoa izango da, Herri Administrazioen Administrazio Prozedura Erkidearen urriaren 1eko 39/2015 Legearen 30. artikuluan ezarritakoaren arabera.

Laugarrena. Eskaeren formalizazioa.

1.- Urriaren 1eko 39/2015 Legearen 14.2 e) artikuluan xedatutakoaren arabera, interesdunak erregistro telematikoaren bidez aurkeztu beharko du eskabidea, eta, horretarako, lege horren 9. artikuluan aurreikusitako edozein bide erabili ahal izango du. Inprimakiak eta eranskinak bete eta bide telematiko bidaliko dira ANECaren egoitza elektronikoan: [https://aneca.sede.gob.es /](https://aneca.sede.gob.es/). Helbide horretan bertan egin ahal izango da eskaeren izapideen jarraipena.

2.- Behin eskaera aipatutako aplikazio informatikoan bete eta ixten denean, inprimaki bat sortuko da. Inprimaki hau eskatzaileak sinatu beharko du eta Eusko Jaurlaritzaren erregistro telematikoaren administrazio elektronikoan (www.euskadi.eus) eskaera osatzeko erabili beharko du. Nahiz eta CNEAI-ko aplikazio informatikoan bete eta itxi, eskaera ez da baliozkoa izango egoitza elektronikoan epe barruan eta behar bezala ez bada aurkezten.

3.- Eskaera betetzean, derrigorrez egoitza elektronikoaren bidez egingo dena, eskatzaileek hurrengo dokumentuak erantsi beharko dituzte:

a) Eskaera-inprimakia, sinatuta eta CNEAIren aplikazioan behar bezala erregistratuta.

b) Eskatzaileek ordainketa-pasabidea erabiltzen ez duten kasuetarako, Euskal Autonomia Erkidegoko Administrazioaren Tasa eta Prezio Publikoei buruzko Legearen, 95. bis eta 95. quinquies artikuluei jarraiki, tasa bat ezarriko da. Horregatik, eskaerarekin batera, legean aurreikusitako tasaren ordainketa egin izanaren ziurtagiria aurkeztu beharko da.

4.- Unibasqek, Euskal Unibertsitate Sistemaren Kalitate Agentzia, eta CNEAI-k duten lankidetzak Akordioaren arabera eskaerak Euskal Autonomi Erkidegoaren edozein hizkuntz ofizialean aurkeztu ahal izango dira.

Bostgarrena. - Eskaeraren edukia.

1. Eskatzaileak honako hauek adierazi beharko ditu CNEAI-ko aplikazio informatikoan:

a.- Eskabidearen aplikazioa betetzean sortzen den curriculum vitae laburtua, ebaluatuko den sei urteko aldirako garrantzitsuentzat jotzen diren bost ekarpenetara mugatuta.

Eranskin honetako zazpigarren atalean aipatzen diren ebaluazio-irizpideetakoren batean sailka daitekeen edozein unitate hartzen da «ekarpenetzat». Aipatzen den ekarpen bakoitzeko hura lokalizatzeko eta identifikatzeko behar diren datuak jarri behar dira.

Ebaluatzeko eskatzen diren urteetan argitaratuta egon behar dira aurkeztutako ekarpenek. Ez dira aintzat hartuko urte horietan onartu diren, baina argitara eman ez diren argitalpenak.

Aldizkari, liburu eta beste lan batzuetan, aukera dagoenean argitalpen digitala eta inprimatuta izateko, ekarpenak bakarrik hartuko dira argitaratutaz inprimatuta daudenean, hau da, bigarren formatuan daudenean.

Aipatutako ekarpena patentea bada, ebaluatzea eskatzen diren urteetan emanda izatea beharrezkoa da. Ez dira aintzat hartuko urte horietan aurkeztu edo argitaratu diren baina urte horietan egonkortsu ez diren patenteak, eta kasuz kasu, esparru bakoitzaren irizpide espezifikoaren arabera, esplotazioan dagoena. Honez gain, patentea ematearen pdf artxiboa atxikitu beharko da.

Ikerketaren helburuak eta emaitza nabarmenenak jasotzen dituen laburpen motza (aplikazio telematikoak ezarritako gehienezko luzerarekin) gehitu behar zaio ekarpen bakoitzari. Banakako laburpenen ordez, ekarpen guztiak barne hartzen dituen laburpen bakar bat aurkez daiteke.

Era berean, eskatzaileak ikerkuntzaren kalitate-adierazgarriak erantsi behar ditu. Adierazgarri horiek hauek izan daitezke:

-Ekarpen bakoitza argitaratu den komunikabideak zientziaren arloan duen garrantzia. Arlo batean argitalpenen kalitateari buruzko nazioarteko irizpideak badaude, ezinbestekoa da irizpide horiek aipatzea.

-Eskatzailearen obrari buruz beste autore batzuek egindako aipamenak argitaratutako lanetan, ekarpenaren garrantziaren edo ekarpen horrek dagokion arloan izandako eraginaren adierazgarri direnak.

-Interesatuaren beraren balorazio laburra, obrak jakintzaren garapenari egindako ekarpenari eta ekarpen horren interesaren eta ahalmen sortzaileari buruzkoa.

-Patenteen edo baliagarritasun-modeloen ustiapenari buruzko datuak.

-Aldizkari espezializatuetako aipamenak.

Ekarpenak talde-lan baten emaitza izanez gero, egile bakoitzak bere curriculumean sar dezake ikerketa hori. Nolanahi ere, dagokion laburpenean espresuki aipatu behar du egileak talde-lanari egindako ekarpen pertsonala.

b.- Eskatzaile bakoitzak beste bi ordezeko ekarpen aurkeztu ahal izango ditu, erreferentzia egoki eta ondo identifikatutakoak, hasieran aurkeztutako beste bi ordezka ditzaketenak behar den gutxienezko puntuaziora heltzeko nahiko kalitatea ez badute.

c.- Curriculum vitae osoa. Curriculum vitae a ikerketa, garapen eta berrikuntza jarduerak baino ez aipatzea gomendatzen da. Era berean, DOI (digital object identifier) duten argitalpenen informazioa ematea gomendatzen da. Honez gain, curriculum vitae CVN formatu normalizatuan aurkeztea gomendatzen da

d.- Ebaluatzea eskatzen den denboraldiko jatorrizko zerbitzu-orri eguneratua, non eskatzailearen denboraldi horretako arduraldi-erregimena adierazten den. Zerbitzu-orriak deialdi hau Unibasq-en webgunean argitaratzen den egunaren ostekoa izan beharko du.

e.- Ikerketa zerbitzu-orrian jasota ez dagoen zentro batean egin bada, kontratuen, izendapenen, bekadun-kredentzialen edo antzeko beste dokumentu batzuen kopia soila gehitu behar dira. Bertan kontratu edo beka epea eta arduraldi-erregimena adierazi behar dira. Edozein kasutan ere, beti goi-mailako zentroa edo bere jarduera nagusia eta arrunta ikerketa dela izan behar da.

2.- Administrazio-prozeduraren edozein unetan CNEAI-k eskaerarekin batera aurkeztutako fitxategi elektronikoen jatorrizko dokumentuak eska ditzake, haien baliotasuna eta bat-etortzea egiaztatzeko.

3.- Eskaerarekin batera aurkeztutako fitxategi elektronikoen sortzeko jatorrizko dokumentuak aldatzen dituztenen aurka legearen bidez jarduteko eskubidea du Unibasqek.

4.- Aplikazio informatikoarekin lotutako kontsultak egiteko interesdunek ayuda.cneai@aneca.es helbidera jo dezakete eta ANECAren webgunean eskuragarri dauden telefonoen bidez.

5.- Interesdunek deialdi honekin edozein kontsulta, CNEAI-ko aplikazio informatikoarekin lotuta ez dagoena egiteko, Unibasqera jo dezakete.

6.- Unibasqek eskatzaileari edozein momentuan dokumentazioa eskatu diezaioke alegatutako merezimenduak eta eskatutako legalki bete behar diren baldintzak egiaztatzeko. Unibasqeko ebaluazio prozesuetan gardentasuna eta sinesgarritasuna sustatzeko, eskatzaileek informazio egiazkoa eta zehatza emateko konpromisoa hartzen dute. Horrela ez bada, erantzukizun administratibo edo penalez gain, Unibasqeko ebaluazio-prozesuetan pertsonak edo erakundeek emandako informazioetan irregulartasunen aurrean prozedura onartzen duen 2019ko ekainaren 24ko Unibasqeko Etika eta Eskubideen Batzordearen Akordioan aurreikusitakoa aplikatuko da.

Seigarrena. - Ebaluazio irizpideak.

1. Ebaluazio-esparru bakoitzerako berariazko irizpideak ezartzen dituen Ikerkuntza- jardueraren Ebaluazio Batzorde Nazionalaren Batzordeburuaren ebazpenean irakasle funtzionarioei aplikatu dakizkiekeen ebaluazio-irizpide berak izango dira aplikagarri eta Hezkuntza, Kultura eta Kirol Ministerioaren egoitza

elektronikoan aurki daitekeena.

2. Aipatutako ebazpenean 1994ko abenduaren 2ko Aginduaren 7. artikuluan eta Unibertsitate eta Ikerketako Estatu Idazkaritzaren 1994ko abenduaren 5eko Ebazpenaren 7. artikuluan ezarritako irizpide orokorrei jarraituko zaie ebaluazioan. Aipatutako irizpide orokorrak ezarritako irizpide zehatzekin osatuko dira, ebaluazio arlo bakoitzerako, 2020ko urriaren 30eko ebazpenean agertzen direnak, Ikerketa Lana Ebaluatzeko Estatuko Batzordeburuarena, zeinaren bidez onartutako ebaluazio arlo bakoitzaren irizpide zehatzak argitara ematen diren.

Zazpigarrena. - Prozedura bideratzea.

1. CNEAI-ri dagokio ikerketa-jarduera ebaluatzeko prozedura bideratzea.

2. Bere eginkizuna egiteko, aholkua eskatuko dio CNEAI-k zientzia-komunitateari, eta jakintza-arloko Aholku Batzordeen bidez egituratuko da aholkularitza. Aholku Batzordeen zerrenda argitaratu egingo da.

3. Eskaearekin batera aurkeztutako dokumentuak soilik hartuko dira kontuan prozesuan. Hori dela eta, entzunaldi-izapidea bazter utziko da urriaren 1eko 39/2015 Legearen, Herri Administrazioen Administrazio Prozedura Erkidegoaren Legearen, 82.4 artikuluan ezarritakoarekin bat.

Zortzigarrena. - Ebaluazio-prozedura.

1. Eskatzaileak curriculum vitae laburtuan gehitutako lanari buruzko iritzi teknikoa emango dute kontsultatutako Aholku Batzordeek eta, hala badagokio, baita adituek ere, curriculum vitae osoan zehaztutako testuinguruaren barruan.

2. Dagokion Aholku Batzordeak edo CNEAI-ko Batzordeburuak izendatutako adituek egoki baderitzote, eskatzaileari, CNEAI-ko koordinatzaile orokorraren bitartez, bere CV-an aipatutako ekarpenen kopia bidaltzeko eska diezaioke.

3. Iritzi teknikoa zero eta hamar bitarteko zenbaki baten bidez adieraziko da, eta gutxienez sei puntu beharko dira ebaluazio positiboa lortzeko sei urteko tarte batean.

4. Ebaluazio bakarren kasuan (1988ko abenduaren 31 arte garatutako ikerketa-jarduera), zero eta eskatutako tarte-kopurua hamar zenbakiarekin biderkatuz ateratzen den zenbakia bitarteko zenbaki batez adieraziko da iritzi teknikoa. Kasu horretan, esleitutako puntuazio osoa zati sei eginez ateratzen den zenbaki osoaren berdina izan behar du ebaluazio positiboa lortu duten tarteen kopuruak.

5. Aholku Batzordeek eta adituek emandako kalifikazioak ikusita, CNEAI-k ezarriko du behin betiko banakako ebaluazioa, eta, nolana ere, deialdi honetako seigarren atalean jasotzen diren irizpideak aplikatzea bermatuko du.

Bederatzigarrena. - Ebazpena.

1. Unibasqeko zuzendariak baterako ebazpen bat jarriko du <https://www.euskadi.eus> iragarki-taula elektronikoan, emaitzak jakinarazteko. Ebazpen hori iragarki-taula elektronikoan argitaratzen den data ebazpenaren jakinarazpena komunikatzeko data formala da, xede guztietarako. Nolanahi ere, ondorengo egunetan ebazpen indibidualizatua bidaliko zaie eskatzaileei Eusko Jaurlaritzaren egoitza elektronikoaren bidez, eskaera osatu egin zen moduan. Nolanahi ere, ondorengo egunetan ebazpen indibidualizatua

bidaliko zaie eskatzaileei Egoitza Elektronikoaren bidez.

Unibasqek emandako ebazpena arrazoitzeko nahikoa izango da Aholku Batzordeek emandako txostenak sartzea, Unibasqek bere egin baldin baditu. Horrela ez bada, aipatutako txosten horiekin bat ez egiteko arrazoiak gehituko dira Unibasqen ebazpenean, bai eta ebazpenaren justifikazioa ere, adituek emandako beste txosten batzuek abalatu edo ez.

2. Ebazpenek zein tartea ebaluatu duten adierazi beharko dute, tartea positiboa edo negatiboa izan den ere eta, hortaz, txostena baiezkoa ala ezezkoa ote den. Bestalde, ebaluazioa ezezkoa bada, dagokion ebaluazio txostena erantsiko zaio.

3. Ebazpen horren aurka berraztertzeke errekurtsoa jarri ahal izango da, nahi izanez gero, Unibasqen aurrean, hilabeteko epean, edota, zuzenean, administrazioarekiko auzi-errekurtsoa Administrazioarekiko Auzietako Epaitegi eskudunetan, bi hilabeteko epean (bi kasuetan, ebazpen kolektiboa iragarki-taula elektronikoan jakinarazten denetik aurrera kontatzen hasita).

4. Ebazteko epea sei hilabetekoa izango da. Unibasqek eskaeraren ebazpena emateko eta jakinarazteko epea etetea adostu ahal izanez, Urriaren 1eko 39/2015 Herri Administrazioen Administrazio Prozedura Erkidegoaren Legearen 22d) artikulua xedatutakoaren arabera, eskaeren ebaluazioa ebazteko CNEAI-k Unibasqera nahitaezko txostenak bidaltzea guztiz beharrezkoa den heinean.

Hamargarrena. - Dokumentu-erregimena eta datu pertsonalen inguruko eskubideak.


1. Datuak babesteko dagoen araudiaren arabera, (kontuan hartuko da Europako Parlamentuaren eta Kontseiluaren 2016/679 Erregelamendua, 2016ko apirilaren 27koa (RGPD), baita 3/2018 Lege Organikoa, abenduaren 5ekoa, Datu Pertsonalak Babesteari eta eskubide digitalak bermatzeari buruzkoan jasotakoa ere), interesdun pertsonak emandako datuak fitxategi pertsonal automatizatu batean sartuta gera daitezke. Datu hauen titularrak Unibasq izango da eta Agentziak egindako deialdi prozesuak garatzeko erabiliko ditu, betiere interesdun pertsonak bertan parte hartzen badute.
2. Zure datu pertsonalak erabiliko dira, eta tratamendu-jarduera honi erantsiko zaizkio: *Irakaslegoaren ebaluazio programak.*
 - Arduraduna: Unibasq - Euskal Unibertsitate Sistemaren Kalitate Agentzia
 - Helburua: Irakaslegoaren irakaskuntza, ikerkuntza, ezagutza zabaltzearen eta kudeaketa merituak ebaluatzeko, programa desberdinen arabera.
 - Legitimazioa:
 - Tratamendua beharrezkoa da, interes publikoaren aldeko eginkizunen bat betetzeko edo tratamenduaren arduradunari emandako botere publikoak betetzeko jardunean.
 - Hartzaileak:

- Dagokionean UPV/EHU, Mondragon Unibertsitatea, Deustuko Unibertsitatea eta Eusko Jaurlaritzaren Hezkuntza Saila
 - Eskubideak: Datuak eskuratzeko, zuzentzeko eta ezabatzeko eskubidea duzu, baita informazio gehigarrian jasotzen diren bestelako eskubide batzuk ere.
 - Informazio osagarria: Gure web-orrian kontsulta dezakezu Datuen Babesari buruzko informazio gehigarri eta zehaztua:
www.euskadi.eus/informazio-klausulak/web01-sedepd/eu/gardentasuna/034900-cap2-eu.shtml
- Araudia:
- Datuen Babeserako Erregelamendu Orokorra
(www.euskadi.eus/contenidos/informacion/normativa_dpd/eu_def/adjuntos/RGPD-2016_0679_eu.pdf).
 - 3/2018 Lege Organikoa, abenduaren 5ekoa, Datu Pertsonalak Babestekoa eta Eskubide Digitalak Bermatzekoa. (www.boe.es/boe_euskera/dias/2018/12/06/pdfs/BOE-A-2018-16673-E.pdf)

Hamaikagarrena. - Errekurtsoak

1. Deialdi hau eta haren oinarriak behin betikoak dira administrazio-bidean, eta, haien aurka, interesdunek administrazioarekiko auzi-errekurtsoa aurkeztu ahal izango diete Euskal Autonomia Erkidegoko administrazioarekiko auzien jurisdikzio-organoei, bi hilabeteko epean, deialdia Euskal Herriko Agintaritzaren Aldizkarian argitaratu eta hurrengo egunetik hasita, hala ezarrita baitago Herri Administrazioen Araubide Juridikoaren eta Administrazio Prozedura Erkidearen urriaren 1eko 39/2015 Legearen 114. artikuluan eta Administrazioarekiko Auzien Jurisdikzioa arautzen duen uztailaren 13ko 29/1998 Legearen 14. eta 46. artikuluetan. Halaber, nahi izanez gero, berraztertzeko errekurtsoa jarri ahal izango diote Agentziari, hilabeteko epean, adierazitako 39/2015 Legearen 123. eta 124. artikuluei jarraikiz.

Vitoria-Gasteiz, 2020ko abenduaren 22an.



Iñaki Heras Saizarbitoria
Unibasqeko zuzendaria